

د. بولاجيه

اختبار صعب

مجموعة قصصية





اسم الكتاب: اختبار صعب

اسم الكاتب: د. بولا وجيه

التصنيف: مجموعة قصصية

الناشر: دار أنطون – شبرا مصر

مصمم الغلاف والتنسيق الداخلي: د. بولا وجيه

الطبعة الأولى: مايو ٢٠٢٦

جميع الحقوق الأدبية والنشر محفوظة للكاتب، ويحظر تداول أو نشر سواء مقاطع أو أجزاء من الكتاب دون الرجوع للكاتب نفسه د. بولا وجيه والحصول على موافقة كتابية، ومن يخالف ذلك يعرض نفسه للمسائلة القانونية.

نسخة خاصة إهداء لموقع كنوز قبطية

د.بولا وجيه

اختبار صعب

مجموعة قصصية





قداسة البابا المعظم

الأنبا تواضروس الثاني

بابا الإسكندرية وبطريق الكرازة

إهداء

لكل واحد مازال بيدور على الأمل في رحلة أيامه..

تشدد يا صديقي وخليك ثابت.. ربنا مش هيتخلي عنك.

د. بولاجيه

على باب الله

كانت ست كبيرة عايشة لوحدها في شقة صغيرة، بعد ما الدنيا أخذت منها كل حاجة... جوزها اتوفى من سنين، وولادها كل واحد اتشغل بحياته وسابها تواجه الأيام لوحدها. معاشها كان بسيط جدًا، يادوب يكفي أكل وشرب، وكمان مش كل شهر بيكمل.

كانت كل يوم تنزل الصبح بدري تجيب عيش، وترجع تقعد قدام الشباك تبص للشارع وتسند راسها على إيدها، وتتمتم بكلمتين محفوظين: "يا رب أنا ماليش غيرك".

في يوم وهي واقفة في طابور الفرن، كان فيه شاب واقف قدامها باين عليه التعب، بيعد فلوسه أكثر من مرة، وكل شوية يرجع رغيّف. واضح إن الفلوس مش مكفّية.

بصت له وقالت بهدوء: "خد يا ابني اللي ناقص".

استغرب ورفض في الأول، لكنها أصرت وقالت: "أنا بدفعهم لي فوق مش ليك".

الشاب أخذ العيش ومشى وهو مكسوف، وهي رجعت بيتها وكأنها عملت حاجة بسيطة جدًا.

عدى كام يوم... والمعاش اتأخر، والدنيا ضاقت عليها بشكل مش طبيعي. المطبخ فاضي، حتى العيش مابقاش موجود. حاولت تستحمل، لكن الجوع كسرهما، وقعدت تعيط وهي بتقول:

"أنا عملت الخير على قدّي... متسبنيش يا رب".

في نفس اللحظة، الباب خبط.

فتحت لقت شاب واقف ومعه كراتين أكل كثير جدًا... زيت، سكر، رز، خضار، وحتى عيش طازة.

قالها بابتسامة: "أنا كنت بدور عليكى من يومها... مش عارف ليه حسيت إنك محتاجة".

قعدت تبص له مش مستوعة... وسألته: "إنت عرفتنى إزاي؟"
قالها: "أنا فاكروك وشك كويس... وفضلت ألف لحد ما لقيت
البيت".

دموعها نزلت وهي بتقول:

"أنا دفعت كام رغيف... ربنا رجعهم لي رزق يكفيني شهر".
وقتها فهمت إن الخير اللي بيطلع منك، بيرجع لك... بس بطريقة
أكبر بكثير من اللي تتخيله.

صوت آخر الليل

في نص الليل، والهدوء مالي الشارع، كان واقف قدام كشك صغير
يشرب حاجة ساقعة. الدنيا كانت هادية بشكل غريب، مفيش غير
صوت راديو قديم شغال في الكشك والدنيا حواليه بالكامل هادية.
لفت نظره ست لابسة أسود، واقفة بعيد شوية ومش ثابتة في مكانها.
كل شوية تمسك تليفونها وتتصل، وصوتها كان فيه رجفة واضحة:

"طمني... هو عامل إيه دلوقتي؟"

فضل يبص لها من بعيد وهو حاسس إن في حاجة غلط.

بعد شوية، تليفونها رن، وساعتها ملاحها اتغيرت فجأة، وبدأت
تعيط وهي بتقول: "أنا جاية حالاً".

جريت بسرعة، وركبت توكتوك ومشيت... بس كانت ناسية كيس
على الأرض.

قرب من الكيس وخده، ونادى عليها كثير... لكن كانت اختفت.

فتح الكيس لقي جواه تليفون قديم، وظرف، ومنديل قماش ريجته
حلوة بشكل غريب.

حاول يوصل لصاحبة الكيس، قلب في التليفون، لقي رقم مكتوب
"ماما".

اتصل... وردت ست صوتها مكسور من العياط.

شرح لها اللي حصل، فقالت له بسرعة:

"أنا في المستشفى... ابني عامل حادثة ومحتاج نقل دم... وأنا جريت
ونسيت الكيس".

وهو رايح لها، فضلت تأكد عليه في حاجة غريبة:

"خلي بالك من المنديل... أوعى يضيع".

وصل المستشفى، لقاها منهارة تمامًا، وقالت له وهي بترجف:

"ابني يموت... محتاج دم فصيلة **A**+"

سكت لحظة وقال: "أنا نفس الفصيلة".

دخل فوراً، واتبرع... وبعد ساعات، الحالة استقرت.

في الصباح، الست قعدت معاه وقالت له بهدوء غريب:

"إوعى أول ما تتزق تدور على الناس... دور على ربنا الأول. أنا

كنت بدعيه من قلبي، وهو بعثك ليا".

بص لها وهو مستغرب...

قالت له: "حتى الكيس اللي نسيته... ده كان سبب إنك توصل لي".

خرج من المستشفى وهو حاسس إن اللي حصل مش صدفة...

ده ترتيب دقيق جداً، أكبر من إنه يكون مجرد حظ.

اختبار صعب

كان شاب بسيط، يشتغل طول اليوم عشان يعيش... مرتبه على قدّه،
لكن كان راضي، دايمًا يقول: "الحمد لله".

في فترة، تعب فجأة... ألم شديد، كشف وعرف إنه محتاج عملية
ضروري، وتكلفتها كبيرة جدًا، أكبر من قدرته بكثير.

حاول يجمع الفلوس بكل الطرق... سلف، يتداين، أي حاجة...
لكن كل الأبواب كانت مقفولة.

في يوم، الدكتور قاله إن فيه ناس هتتكفل بجزء كبير من العملية،
وكأن ربنا بدأ يفرجها. فضل له مبلغ بسيط... قرر يجمعه من مرتبه.

أول ما قبض، حط كل الفلوس في محفظته وهو راجع بيته... لكن
وهو ماشي، المحفظة وقعت منه من غير ما يحس.

لما اكتشف، نزل يدور عليها بجنون... ساعات طويلة، لحد ما تعب
وخلص فقد الأمل.

رجع بيته مكسور، وقعد يدعي وهو ييعيط:

"يا رب أنا تعبت... بس واثق فيك".

تاني يوم وهو نازل، لقي محفظة على الأرض. فتحها... لقي مبلغ أكبر
من اللي ضاع منه.

وقف مكانه... الصراع جواه كان صعب جدًا.

دي ممكن تكون حل كل مشاكله.

لكن بعد لحظة، قال:

"أنا مش هاخذ حاجة مش بتاعتي".

راح على القسم يسلمها.

وهناك، لقي راجل يبيلغ عن محفظة بنفس المواصفات.

رجعها له... والراجل كان شبه مش مصدق إن لسه في حد أمين كده.

المفاجأة كانت أكبر... لما عرف ظروفه، قرر يتحمل تكلفة العملية كلها، وكم ان عرض عليه شغل ثابت بمرتب أحسن.

خرج وهو مبتسم وقال:

"أنا كنت فاكراً إنني بخسر... بس ربنا كان بيختبرني".

وفهم إن أوقات كثير، الحل بيكون قدامك... بس على شكل اختبار.

باب مايتقفلش

كانت عايشة لوحدها في شقة قديمة في دور عالي، الشقة دي كانت كل حياتها... فيها ذكرياتها، تعب سنين، وضحكتها مع جوزها قبل ما يتوفى ويسيبها تواجه الدنيا لوحدها.

من ساعتها وهي بتحاول تمشي حالها بمعاش بسيط، وكل يوم بيعدي عليها كان يبقى ثقيل.

مع الوقت، بقى في ديون متراكمة... إيجار متأخر، كهربا، علاج... وكل حاجة بقت فوق طاقتها.

صاحبة البيت كانت في الأول مستحيلة، لكن في يوم خبطت عليها بعصية وقالت لها:

"أنا استحملت كتير... يا تدفعي، يا تشوفي لك مكان تاني".

قفلت الباب وهي حاسة إن الدنيا بتضيق عليها حرفيًا. قعدت على الأرض وسندت ظهرها على الحيط، وبصت للسقف وقالت:

"أنا ماليش غيرك يا رب... لو الباب ده اتقفل، أنا هروح فين؟"

اليوم ده عدّى ثقيل جدّا... من غير أكل تقريبًا، ومن غير حتى نقطة أمل في بكرّا.

تاني يوم نزلت تتمشى شوية يمكن تهدى، وكان معاها شوية ورق قديم... إيصالات، عقد إيجار، شوية حاجات كانت بتفكر تبيعها.

وهي ماشية، اتكعبلت ووقعت، والورق كله طار على الأرض. قعدت تلمه وهي بتعيط، مش عارفة تعيط على وجعها ولا على حالها.

كان في راجل كبير قاعد على قهوة قريبة، كان صاحب جوزها اللي اتوفى. شافها وقام يساعدها. وهو بيلم الورق، لاحظ عقد قديم فيه اسم جوزها.

سألها بهدوء عن الحكاية... وهي لأول مرة تحكي لحد كل اللي جواها، من غير ما تخبي حاجة.

الراجل سكت شوية، وبعدين قال لها:

"إنتي متأكدة إن مفيش ورق تاني؟"

قالت له: "ده كل اللي فاضل".

طلب منها تسبيه يومين يشوف حاجة، وهي وافقت لكن من غير أمل، وفاكرة أنه هيشترى الحاجات دي.

بعد يومين، كلمها وقالها تيجي له.

راحت وهي قلبها بيدق... مش عارفة مستنية إيه.

فوجئت إنه طلع لها ورق قديم جدًا يثبت إن الشقة دي كان ليها حق فيها من زمان، وإن كان فيه خطأ في تسجيل الملكية.

بدأ إجراءات قانونية، وبعد تعب ومجهود، رجع لها حقها... مش بس كده، ده بقى عندها وضع قانوني يخلي محدش يقدر يطردها.

رجعت بيتها يومها وهي واقفة في نص الشقة تبص حواليتها، ودموعها بتنزل...

وقالت بصوت واطي:

"أنا كنت فاكرة الباب بيتقفل... طلع إنت بتفتحي باب أكبر".

وفهمت إن أوقات كثير، لما كل الأبواب تتقفل... بيكون ده تمهيد
لباب عمره ما يتقفل تاني.

الحاجة الى كانت ناقصة

كان شاب عايش حياته عادي جدًا، شغل ثابت، مرتب كويس، وكل
الي حواليه شايفينه ناجح.

لكن من جواه... كان حاسس بفراغ كبير، حاجة ناقصة مش عارف
يحدددها.

كان بيرجع بيته كل يوم تعب، مش من الشغل... من التفكير.

يسأل نفسه: "هو ده كل حاجة؟ كده خلاص؟"

في يوم، وهو راجع متأخر، لقي طفل صغير قاعد على الرصيف، باين
عليه التعب والجوع.

وقف عنده وسأله: "مالك؟"

الطفل قال له إنه تايه ومش لاقى أهله.

قعد معاه، جاب له أكل، وفضل يحاول يهديه.

بعد شوية، قرر يوديه القسم عشان يساعده.

في الطريق، الطفل كان ماسك في إيده جامد، كأنه لقي أمان فجأة.

الإحساس ده لمس حاجة جواه... حاجة هو نفسه كان فاقدھا.

في القسم، بعد شوية، أهل الطفل وصلوا... أمه كانت منهارة، وأول ما شافته حضنته وهي بتعيط.

بص له بعين مليانة امتنان وقالت له:

"ربنا يجبر بخاطرك زي ما جبرت بخاطري".

الكلمة دي فضلت ترن في ودنه.

رجع بيته يومها... لكن لأول مرة من زمان، حس براحة غريبة.

نام وهو حاسس إن في حاجة اتغيرت.

من يومها، بدأ يعمل حاجات بسيطة... يساعد حد، يسأل على حد، يعمل خير حتى لو صغير.

ومع كل مرة... الفراغ اللي جواه كان بيتملي شوية شوية.

وفي يوم، وهو قاعد لوحده، قال لنفسه:

"أنا كنت بدور على السعادة... وطلعت موجودة في إني أكون سبب
في سعادة حد تاني".

وفهم إن الحاجة اللي كانت ناقصة... مكانتش فلوس ولا نجاح...

كانت إحساس إنه ليه قيمة في حياة غيره.

آخر لحظة

كان ماشي بعريته على طريق سريع، الليل هادي والدنيا فاضية تقريبًا.

كان سرحان... دماغه مليانة مشاكل وضغط، وكل حاجة متلخبطة.

فجأة، لمح حاجة قدامه... عربية واقفة على جنب، والنور بتاعها ضعيف.

عدى في الأول... لكن بعد كام متر، حس بحاجة جواه بتقوله يرجع.

وقف العربية، رجع، ونزل يشوف في إيه.

لقى شاب قاعد جنب العربية، شكله تعبان جدًا.

سأله: "مالك؟"

قال له بصوت ضعيف: "حصلت لي حادثة بسيطة... بس حاسس

بدوخة ومش قادر أتحرك".

مكنش في حد في المكان، ولا عربية معدية.

قرر يساعده، وحطه في عربيته وجرى بيه على أقرب مستشفى.

الدكاترة قالوا إن الحالة كانت خطيرة، وإن التأخير كان ممكن يضيع حياته.

قعد بره مستني... مش عارف ليه مهم كده، لكن قلبه كان مشغول عليه.

بعد شوية، حد من أهل الشاب وصل، وكان في حالة انهيار.

أول ما عرف الي حصل، مسك إيده وقال له:

"إنت جيت في آخر لحظة... ربنا بعثك له".

الكلمة دي وقفت الزمن حواليه.

رجع عربيته بعدها، وقعد ساكت شوية...

بعدين قال:

"أنا كنت ممكن أمشي... بس حاجة جوايا رجعتني".

بص للسمأ وقال:

"يمكن أنا كنت فأكز إني ماشي لوحي... بس واضح إن في حد
بيستخدمنا عشان ننقذ بعض".

ومن اليوم ده، بقى فاهم إن كل لحظة ممكن تكون سبب في تغيير حياة
حد...

وإن أحياناً، قرار صغير... بيبقى فرق بين حياة وموت.

لسة أسبوع!

كان شغال شغلانة بسيطة، وعاش يوم بيوم، لكن فجأة الدنيا قلبت
معاها... الشركة قررت تقلل عدد الموظفين، وكان اسمه من ضمن
اللي هيمشوا.

الخبر نزل عليه زي الصاعقة، خصوصًا إنه وراه بيت ومسؤوليات
ومفیش مصدر دخل تاني.

فضل أيام مش عارف يعمل إيه... يدور على شغل، يسأل هنا وهنا،
لكن مفیش حاجة بتظبط.

كل باب يخبط عليه يتقفل في وشه.

في يوم، حد قال له على شغل كويس جدًا في شركة كبيرة، بس التقديم
آخر يوم... ولازم يروح يقدم بنفسه.

صحى بدري، لبس أحسن هدوم عنده، وخرج وهو كله أمل.

لكن وهو في الطريق، حصلت زحمة غير طبيعية، الطريق واقف خالص، والعربيات مش بتتحرك.

فضل قاعد في المواصلات ساعة ورا الثانية، وهو شايف الوقت بيجري قدامه.

بقى ببص في الساعة كل دقيقة، وقلبه بيتقطع... لحد ما أدرك إنه خلاص اتأخر.

نزل من المواصلات وهو حاسس إن الدنيا بتضيع منه، ومشى شوية وهو مخنوق جدًا.

قعد على رصيف وقال بصوت مكسور:

"يا رب... أنا كنت مستني الفرصة دي".

رجع بيته زعلان، وقرر ينام من كتر التعب.

تاني يوم، صحي على خبر غريب...

الشركة الي كان رايح يقدم فيها حصل فيها مشكلة كبيرة، وتأجل
التقديم أسبوع كامل.

وقف ساكت مش مصدق...

اليوم الي كان شايفه ضاع منه، طلع متأجل أصلاً!

راح بعدها وقدم... واتقبل.

وقتها فهم إن التأخير الي كان شايفه خسارة... كان ترتيب مضبوط،
عشان يلحق الفرصة في وقتها الصح.

الحق راجع!

كانت ست بسيطة بتشتغل خياطة من بيتها، عايشة على شغل إيديها
وبتستر حالها بالقرشين اللي بيحوا، وشاكرة ربنا.

في يوم، واحدة جارتها طلبت منها تفصيل هدوم بمبلغ كبير، واتفقوا
على كل حاجة.

اشتغلت أيام طويلة، تعبت وسهرت عشان تخلص الشغل في معاده.
ولما سلمته... الجارة اتغيرت فجأة، وقالت لها:

"الشغل مش عاجبني... ومش هدف."

اتصدمت... حاولت تقنعها، تشرح لها، لكن مفيش فايده. الفلوس
دي كانت كل تعبها، وكل اللي كانت مستنيه عشان تعيش الشهر.

رجعت بيتها وهي منهارة، وقعدت تعيط وتقول:

"أنا ماليش غيرك يا رب... حقي عندك."

عدى يومين، وهي ساكتة ومش عارفة تعمل حاجة.

وفجأة، الجارة دي جالها عريس لبتها، وكان لازم تجهزها بسرعة.

دورت على حد يخيظ لها... لكنها ملقتش حد يرضى يشتغل معاها.

كل الخياطين كانوا مشغولين أو رفضوا.

في الآخر، اضطرت تيجي لها تاني، وهي مكسوفة:

"معلش... أنا محتاجة شغلك".

بصتلها وسكتت شوية... وبعدين قالت:

"أنا هشتغل... بس حقي الأول".

اضطرت تدفع كل الفلوس، بل وزودت عليهم عشان تلحق الوقت.

وهي ماشية، كانت بتبص لها بنظرة مختلفة...

نظرة فهمت فيها إن الحق ممكن يتأخر... لكنه عمره ما بيضيع.

المقابلة برة الشركة!

كان ماشي في الشارع مستعجل جدًا، عنده معاد مهم وممكن يغير حياته كلها.

وهو بيجري، خبط في راجل كبير وقع على الأرض.

وقف لحظة محتار... يساعده ولا يكمل؟ المعاد مهم جدًا، والتأخير ممكن يضيع كل حاجة.

لكن ضميره غلبه... رجع وساعد الراجل يقوم، وقعد معاه شوية لحد ما اتأكد إنه كويس.

الراجل قال له: "متشكر يا ابني... ربنا يكرمك".

هز راسه ومشى بسرعة، لكن كان عارف إنه اتأخر خلاص. وصل متأخر فعلاً، والمعاد راح عليه. خرج من المكان وهو زعلان جدًا، وقال:

"أنا ضيعة الفرصة بإيدي".

قعد شوية في الشارع، وبعدها قرر يرجع البيت. وهو ماشي، لقي
نفس الرجل الكبير مستنيه على جنب الطريق.

استغرب... الرجل ابتسم وقال له:

"أنا كنت مستنيك... أنا صاحب المكان اللي كنت رايحه".

اتصدم... الرجل كمل وقال:

"أنا شوفتك وإنك بتساعدني من غير ما تعرف أنا مين... وده أهم
عندي من أي معاد".

ودخله معاه... واشتغل. خرج بعدها وهو بيتسّم، وقال:

"أنا كنت فاكر إني ضيعة الفرصة... بس طلعت بعمل السبب اللي
يجيها".

الشنطة السوداء

كان شاب بسيط شغال في مخزن أدوات كهرباء، يومه كله ما بين شيل وترتيب وتوصيل بضاعة، ومرتبته على قدّ حاله. ماكنش بيشتكى، بالعكس، كان دايماً شايف إن الستر نعمة، وإن المهم الواحد يفضل عايش بالحلال حتى لو بتعب.

في يوم من الأيام، وهو راجع من الشغل متأخر، لقي شنطة جلد سودا مرمية جنب سور موقف الميكروباص. وقف يبص حواليه، مفيش حد، والشارع شبه فاضي. كمل طريقه شوية، لكن حاجة جواه قالت له يرجع يشوفها.

فتح الشنطة لقي فيها مبلغ كبير جداً، أكثر من اللي هو شافه عمره كله، ومعه أوراق شخصية وبطاقات وكرنيهات ومفتاح عربية. وقف مكانه من غير ما يتنفس.

قال لنفسه: "يا ترى أعمل إيه؟ دي فلوس تكفي تغير حياتي... بس دي مش بتاعتي".

فضل واقف محتار، وبدأت الأفكار تدور في دماغه: إيجار البيت، الديون، المصاريف، التعب، كل حاجة ناقصة. لكن كل ما يبص للفلوس، كان يسمع جواه صوت تاني يقول له: "إلي مش بتاعك هيخسرّك أكثر ما هينفعك".

رجع كل حاجة في مكانها في الشنطة، ومشى على أقرب قسم.

هناك، لقي راجل كبير في السن واقف مش على بعضه، بيقول للظابط إنه ضاع منه شنطة فيها كل مستندات شركته ومبلغ مهم جدًا، وإن ضياعها ممكن يبوظله الدنيا.

أول ما الشاب سمع الأوصاف، طلع الشنطة فورًا. الراجل اتنهّد بالراحة كأنه كان بيطلع روحه.

الظابط سأله: "كنت تقدر تمشي وما حدش كان هيعرف".

قال: "أنا كنت ها عرف".

الراجل الكبير اتأثر جدًا، وفضل يسأله عن شغله وحالته. ولما عرف إنه شغال في مخزن صغير وبيدور على فرصة أحسن، طلب منه يبجي تاني يوم على شركته.

الشاب راح وهو متوقع أي حاجة إلا إنه يطلع منه بحاجة. لكن المفاجأة إن الراجل كان صاحب شركة كبيرة، وعرض عليه وظيفة في قسم المخازن عنده، بمرتب أحسن بكثير من الي كان بياخده، ومعاها تأمين ومكافآت.

رجع البيت وهو مش مصدق، وقعد طول الليل يفكر في الشنطة الي كانت قدامه وفي القرار الي أخده.

وفهم إن أحيانًا ربنا بيعط قدامك حاجة شكلها فرصة، وهي في الحقيقة امتحان.

ولو عدّيت الامتحان صح، بيفتح لك باب عمرك ما كنت تحلم بيه.

السرفى الدرځ

ست كبرفة عاشت عمرها كله مع جوزها فى بىء قءىم؁ وفضلء بعء وفاءه مءافظة على كل ءاءة زى ما كانت. سرفره؁ كءبه؁ الطقم اللى كان بىشرب فىه الشاى؁ وءىى درځ صغفر مقفول فى الءولاب ماكنءش بءفءءه أءءا.

كانء ءاىءا ءقول: "كل ءاءة فى وءءها؁ والى ربنا ءبىه أءسن من اللى نعرفه".

بعء سنفن من الءءوء والصبر؁ بءأت ءلاقى نفسها بءعافر مع المرض والمصارفف. ولاءها مءجوزفن ومش مقصرفن؁ لكن كل واءء عنءه بىء وهم وءفاة؁ فبقت هى لوءءها أءلب الوءء.

وفى فوم؁ الكهربا قءءء عن البىء كله بسبب الفواءفر اللى مءءءءفش؁ والمفة كماف كانء قربء ءءقء؁ وأصءاب العمارة بقوا فءكلموا عن الإفءار المءأءر.

قعدت في صمت، ودمعتها نازلة من غير صوت، وبصت للدرج
المقفول وقالت:

"يا رب، لو فيه ستر عندك، وريني".

لأول مرة من سنين، فتحت الدرج. لقت جواه ظرف قديم جدًا،
مغلف كويس، وعليه اسمها بخط إيد جوزها.

إيديها رجفت وهي بتفتحه. جواه كان فيه ورقة مكتوب فيها بخط
واضح: "لو لقيتِ الظرف ده بعدي، يبقى افتحي الملف اللي في
المحكمة".

الست اتجمدت. مكانتش فاهمة حاجة، لكن الورقة كان معاها رقم
ملف وتاريخ قديم.

راحت تسأل، وبعد جهد طويل، عرفت إن جوزها كان قبل وفاته
رافع قضية تخص قطعة أرض صغيرة، وكان متوقع إن الناس تنساها
أو تاخذها بالوقت.

الملف كان شبه ضايع، لكن الورقة الي في الظرف كانت المفتاح
الوحيد الي رجعه.

بدأت الإجراءات، ومعها رجوع حق كبير كان مهدد يضيع. الأرض
دي اتقال إنها هتدخل لها إيجارات ومقابل مادي منتظم، والفلوس دي
غيرت حالها تمامًا.

الأهم من الفلوس، إنها اكتشفت إن جوزها كان سايب لها الأمان في
مكان محدش تخيله، في درج مقفول طول السنين.

وقفت قدام الدولاب بعد ما كل حاجة اتصلحت، وبصت للدرج
الي كان في نظرها مجرد قطعة خشب. ابتسمت وهي بتقول:
"الستر ساعات بيستخبي جوه حاجة بنفكرها منسية".

النهاية لسة مجاتش!

كان موظف عادي جدًا، شغال من سنين في شركة مش كبيرة،
وبيحاول يربي عيلته بالحلال من غير ما يمد إيده لحد.

حياته ماشية بهدوء، لكن في سنة من السنين حصلت له أزمة قلبت
كل حاجة.

ابنه الصغير بدأ يتعب، والكشف قال إن فيه مشكلة محتاجة تدخل
سريع، ومصاريف العلاج عالية جدًا.

الراجل خرج من عند الدكتور وهو شايل هم الدنيا كله على كتفه.
كل باب خبط عليه اتقفّل، وكل صاحب وعده ومقدّرش ومسدش.

بدأ يبيع حاجات من البيت قطعة قطعة، لحد ما بقى مفيش تقريبًا
حاجة تتباع.

في الليلة دي، قعد في الصلاة لوحده بعد ما الكل نام.

بص للسقف وقال:

"أنا مش طالب المستحيل... أنا بس طالب إنك تعديها".

فضل يدعي كثير، وبكى من غير صوت، وبعدها نام وهو حاسس إنه على آخره.

تاني يوم الصبح، وهو نازل الشغل، لقي عربية قديمة واقفة تحت البيت، وسواقها بينادي عليه باسمه. استغرب جدًا، لأنه ماكنش يعرفه.

الراجل قاله: "إنت فاكرني؟"

قاله: "لا".

قاله: "من سنين، كنت ساعدتني وأنا واقع قدام المستشفى، ومشيت من غير ما تستنى حتى كلمة شكر. أنا فضلت فاكر اليوم ده".

الراجل طلع صاحب شركة مقاولات كبيرة، وقال له إنه كان بيدور عليه من فترة طويلة، ولما عرف بأزمته عن طريق واحد من أهل المنطقة، جه بنفسه. قعد معاه، وسمع كل حاجة.

وبدل ما يدي له بس مبلغ يساعده في العلاج، عرض عليه شغل ثابت في الشركة، وسدّله المصاريف كلها، وقال له:

"أنا النهارده بس برجع معروف انت عملته من سنين".

الراجل رجع البيت يومها وهو مش قادر يصدق. ابنه بدأ العلاج، والحالة اتحسنّت واحدة واحدة.

والهم الي كان شايله، اتحول في أيام قليلة لرحمة جاية من باب عمره ما كان متخيله. قعد آخر الليل، نفس الوقت الي كان بيعيط فيه، لكن المرة دي كان بيتسم.

وقال: "كنت فاكر أن التجربة نهاية، طلعت بداية رزق جديد".

فستان لقطة

كانت شغالة في محل هدوم صغير، وبتحاول تساعد أهلها بأي شكل.
المرتب بسيط، بس كانت راضية، وبتقول: "الحمد لله على أي
حاجة".

في يوم، دخلت ست شكلها راقي جدًا، وطلبت فستان معين، لكن
مكانش موجود.

فضلت تلف في المحل وهي متضايقه، وكانت هتمشي.

البنت قالت لها: "طب استني دقيقة، ممكن أظبط لك حاجة قريبة
منه".

الست وافقت بالعافية. البنت فضلت تجرب وتعديل وتشتغل بإيدها
لحد ما طلعت فستان شبه اللي الست عايزاه، يمكن أحسن كمان.

الست عجبت جدًا بالشغل، واشترت الفستان، ومشيت من غير كلام
كثير.

عدى أسبوع... وفجأة، صاحب المحل ناداها وقالها: "في حد طالبك
بره".

خرجت لقت نفس الست، ومعها واحدة تانية. قالت لها: "أنا عندي
أتيليه... وكنت بدور على حد عنده ذوق وإحساس زيك".

عرضت عليها شغل بمرتب أكبر بكثير، وفرصة تتعلم وتكبر. وقتها
افتكرت إنها كانت في الأول عايزة تباع وخلاص... لكن لما اجتهدت
من قلبها، الموضوع كله اتغير.

رجعت البيت وهي بتقول:

"أنا كنت فاكرة إني آخري أكون بياعة... لكن نعمتك يارب طلعت
بتجهزلي باب رزق أستاھله".

الرسالة الى وصلت متأخر

كان شاب شغال في شركة صغيرة، وطموحه كبير جدًا، لكن الفرص كانت قليلة.

في يوم، بعث على وظيفة في شركة كبيرة، وقعد مستني الرد. عدى أسبوع... اتنين... شهر... ومفیش أي رد.

بدأ يفقد الأمل، وقال: "واضح إنها مش نصيبي". نسي الموضوع تقريبًا، وبدأ يدور على أي حاجة تانية.

في يوم، وهو بينضف إيميله، لقي رسالة قديمة جدًا كانت مكونة في ملف "Spam".

فتحها... واتصدم. كانت دعوة لمقابلة شخصية من نفس الشركة... لكن المعاد كان من أسبوعين!

قعد ساكت مش قادر يتكلم... وقال:

"أنا ضيّعت الفرصة بإيدي".

لكن جواه حاجة قالت له: "جرب... ابعت لهم".

بعث رسالة اعتذار، وشرح إن الإيميل كان في مكان غلط، وإنه لسه مهتم بالوظيفة.

عدى يومين... وجاله رد. كانوا مستغربين، لكن قرروا يدوله فرصة ثانية.

راح المقابلة، وكان مستعد أكثر من أي مرة... واتقبل. وهو خارج، افكر قد إيه كان زعلان إن الرسالة وصلت متأخر...

لكن الحقيقة إنها وصلت في وقتها... بس هو الي شافها متأخر.

ابتسم وقال:

"حتى الي بيان ضايع... ممكن يكون لسه له وقت".

فهرس المحتويات

٥	إهداء
٧	على باب الله
١٠	صوت آخر الليل
١٣	اختبار صعب
١٦	باب مايتقفلس
٢٠	الحاجة الي كانت ناقصة
٢٣	آخر لحظة
٢٦	لسة أسبوع!
٢٩	الحق راجع!
٣١	المقابلة برة الشركة!
٣٣	الشنطة السودا
٣٦	السر في الدرج

٣٩.....	النهاية لسة مجاتش!
٤٢.....	فستان لقطة
٤٤.....	الرسالة الي وصلت متأخر
٤٦.....	فهرس المحتويات
٤٨.....	عن الكاتب..

عن الكاتب..



وُلد د. بولا وجيه في القاهرة في أكتوبر ١٩٩٨ ،
ونشأ بها لأسرة تعود أصولها إلى صعيد مصر ،
وتلقى تعليمه في مدارسها، وكان لمدرسة أمون
دور بارز في تنمية موهبته في الكتابة. تخرّج في كلية طب وجراحة الفم
والأسنان من جامعة تشوفاشيا عام ٢٠٢٣ ، وأقام في روسيا لمدة سبع
سنوات (٢٠٢٣-٢٠١٦) .

حصل على جائزة أفضل محاضر في الصحة النفسية عام ٢٠١٨ خلال
لقاء الصحة النفسية بجامعة تشوفاشيا، كما نُشر له بحث بعنوان
«هيبتا عن الحياة النفسية المتزنة». ونال عدة دبلومات متخصصة، منها
العلاج المعرفي السلوكي (CBT) ، والإرشاد النفسي والأسري،
والتربية الإيجابية، وتعديل السلوك، من مؤسسات علمية في مصر
وكندا وفرنسا.

يمارس مهنة طب الأسنان إلى جانب نشاطه ككاتب مقالات رأي، حيث يكتب في بوابة فيتو والقاهرة ٢٤ وجريدة وطني، وقد تجاوزت مقالاته ٥٠٠ مقال في بوابة فيتو وأكثر من ١٠٠ مقال في القاهرة ٢٤، إضافة إلى إسهاماته في عدد من الصحف الأخرى. كما صدر له أكثر من خمسة مؤلفات في مجالات الصحة النفسية والإرشاد النفسي والأسري.

حصل على جائزة نقابة أطباء أسنان مصر في القصة القصيرة، وهو عضو في الجمعية المصرية لكتاب القصة القصيرة والرواية، ويهتم كذلك بصناعة المحتوى إلى جانب عمله الطبي والأدبي.

الموقع الرسمي للكاتب

د. بولا وجيه

www.PWAGIH.com

للتواصل مع الكاتب

